

文淵閣

四庫全書

影印

文淵閣四庫全書

第一二〇〇冊

北京出版集團公司
北京出版社

本册目次

秋
澗

集
(一)

元
王
惲
撰

.....
一

欽定四庫全書

集部
秋澗集卷一至四

詳校官侍讀學士臣沈威熙

侍讀臣孫球覆勘

總校官降調編修臣倉聖脉

校對官助教臣汪錫魁

謄錄監生臣朱鎮

欽定四庫全書

集部五

秋澗集

別集類四元

提要

臣等謹案秋澗集一百卷元王惲撰惲字仲

謀汲縣人世祖時官翰林學士承旨事跡具

元史本傳惲文章自謂學於元好問故其波

瀾意度皆不失前人矩矱詩篇筆力堅渾亦

能嗣響遺山史稱惲有材幹集中關係政治

欽定四庫全書

秋澗集
提要

諸作尤為疏達詳明瞭如指掌其集凡詩文

七十七卷又承華事略二卷乃裕宗在東宮

時所撰以進者裕宗甚喜其言令諸皇孫傳

觀焉中堂事紀三卷載中統元年九月在燕

京隨中書省官赴開平議事至明年九月復

回燕京之事於時政綱錄極詳可補史闕烏

臺筆補十卷乃為監察御史時所輯御史臺

故事玉堂嘉話八卷則至元戊子所作乃追

記在翰林日所聞見者凡文章得失典制沿

革皆彙而錄之甚稱精核所謂遼金不當為

載記之說尤為平允後托克托等以宋遼金

三史並修實本其說其明於史法亦非楊維

禎諸人固執偏見所及也乾隆四十六年十

月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

秋潤集

二

欽定四庫全書

秋潤集卷一

元王惲撰

頌

中統神武頌并序

維二年春王正月逆璫悖負天恩扞我大刑哀奸株

頑嘯先東土於是命將致討天戈一麾不五月而克

清大慈茲蓋皇帝陛下寅奉天心布昭神武睿智足臨

欽定四庫全書

秋潤集

一

有征無戰故也昔肅宗中興唐室而元結獻頌用歌

大業垂示無極臣惲忝屬太史親覩盛事頌聲不作

咎將曷歸敢綴緝所聞謹撰中統神武頌一首凡千

有一百二十四字雖辭理未應庶幾神武仁聖之德

鏗錫炳耀播宣金石振一代之徽烈也萬冀徽誠仰

蒙天聽臣惲惶懼昧死拜手稽首而獻頌曰

皇帝踐阼粵維三年萬靈清蹕迺狩于煥曰寒而寒曰

煥而煥百度修明朝廷清肅東截海表西亘庸漠悉臣

悉貢罔不率服時維逆璫禍心久纏再世鴟張顓征擅
權奄殿全齊厲階泗漣煮鹽涸海剝銅夷山地夥物衆
蘗芽其間惜恃奸囂海波可田背脅疽根怒而自鞭時
徽邊功外示忠愴警我宋急騎通甘泉帝以德御聽之
誠然再命不庭穢彰溥天浪駭鯨奔擬騰百川投袂東
來盜我西偏天意有在聚而殲旃皇帝神武不震不愆
燎我神鼎烹此小鮮命將興師策出萬全方叔召虎爪
牙利宣爰命宗王相臣是丞顓彼封拜虎符發兵赫赫
欽定四庫全書

秋湖集
卷一

二

深溝俟其自斃日壓賊營雲頽必氣賊勢既窘魄褫心
悸鼠拔其牙獸奔厥角斧偃螳潛鋒推蜩縮七月壬戌
環隄內訌賊伺我隙悉甲來攻萬歟幸脫窵我梯衝相
史相趙出奇無窮既敗而壁衆猶嘯凶迨其癸酉有星
蓬蓬驕若矢石妖聲墮空因之出降羣兇率同彼狡狂
卒不知所圖銜寔鼠竄自投于湖宛轉不次可知其愚
童子執戈縛之以趨比梟逆首磔裂其軀并取同惡牽
擊就誅林林部曲面縛俟歿皇帝曰噫皆朕赤子若蠢
何知一從先旨解甲投戈縱歸田里東際海壖西逾膠
濟殺氣一空歡聲四起既定厯城東趨廣固比傳城下
降幡內豎凡厥士女無或畏懼取彼逆屬取其府庫市
肆農耕按堵如故纍纍婦妾婉婉弱齡三木囊頭來獻
闕庭既令市朝咸即厥刑盡頌所獲大獬將旅糴載騶
呼各歸禁伍勞我元臣其安爾所視我民政袞闕則補
肆赦東方皇恩斯溥錄我陣歿卹我孤苦徭染惟新各
安爾土皇帝曰噫額額厯城橫燎兇燧干戈所厯復其

欽定四庫全書

秋湖集
卷一

三

祖歛惠賜穀帛拯其昏墊陰伏陽開乾旋坤奠海岱重
清一出聖筭奄奄北風警而遠竄威懾靈輿東夷來獻
蓋代稱觴萬口交慶再拜稽首皇帝神聖天錫勇智萬
邦以正億萬斯年受天明命皇帝孝友敦序九族有爵
有土煌煌車服終歲燕賜克諧克睦帶礪山河與天齊
福皇帝睿哲別白忠直天資虎臣左輔右弼孰敢予侮
為天立極皇帝聖慈約法好生奚取八辟三章更輕大
獄之起寧失不經如璫之誅萬死何容罪止一族餘無

欽定四庫全書

秋澗集
卷一

四

所從漢制黨錮唐興羅織濫及無辜慘莫之惕天地大
德曰生曰植致討已來惟天是則吾皇之心堯仁舜德
海宇熙熙春臺壽域羣臣歸美度越前古唐平淮西漢
滅吳楚以今方之其烈斯鉅規規孝景計誅臣錯岌岌
憲宗皇咨于皮兵纏四載吳縛于愬惟此齊功五月而
成斷以睿筭昇之戎衡皇帝執謙弗居弗處宗廟之靈
將士之助敢告成功于考子祖祀事載闕牲牢鐘虞樹羽
崇牙應田縣鼓肅雍和鳴先祖是聽神靈曰都嗣皇之

英持盈之德守成之能保我不祚萬福是膺壽等南山
不騫不崩小臣眷眷職司述稱屬辭比事獻芹之誠親
覲盛事拭目太平淵嘿無言咎將孰勝冒昧狂斐觸犯
雷霆敢撫輿議用垂頌聲

賦

蛾眉硯賦 并序

余家所役二硯研磨有年殆與瓦礫不異書生作計
朝夕筆研間所用若是欲善其事而不能也宜矣乙

欽定四庫全書

秋澗集
卷一

五

卯春偶得是硯於販夫之手質名于譜蓋歛石蛾眉
之種也噫豈天誘愚衷將為文字之祥邪抑亦有數
自王氏而發潛德之光耶遂筆而賦焉其辭曰

嘿齋主人行年廿有九日從事于翰墨將遊心于道園
家畜二硯形模老醜研磨歲深埃塵瓦缶歛材石之莫
遇偶見授于野叟發此秘藏殆天所誘歸予之月卯插
其斗從吾囊之羨滋喜溪光之照牖其質圓以古其色
綠而黝鬼擲瀉壁鏡蝕秦紐太初之面目已露元氣之

胚胎未剖涵玉德之餘潤鑑金聲于一扣其聞人多矣
幾墨翻於醉袖也肌理細膩豐而不鄣顧溪痕之隱然
旋摩挲而無有雪浪翻江映日光走其瑩滑溫純之德
誠硯中之瓊玖也若夫蒼文上橫眉嫵初就濃抹遠山
濯如春柳其橫雲却月之狀又似開乎成都之畫手質
名于譜茲歛石蛾眉之右也予想夫龍山之英歛溪之
瀏醞釀幾年種此奇秀信神物之有歸不圖為嘿齋座
中之友也當其書幌晝明筆耕而耨一噓泫然雲蒸霧
欽定四庫全書

秋湖集

六

湊試墨花於春融覺松風之瀉竇縱未灑薔薇之春露
聽此亦足以醒張顛之宿酒也相期百年以介爾壽硯
分硯兮汝名雖異儻浮于寔兮終有愧于屋漏故東坡
有云澁不拒筆滑不褪墨茲乃硯之佳焉又何必鸛其
目而鳳其味也耶

茹野菊賦

并序

丙寅春三月予以司明告病避忌食物無可供嚼噉
者家人輩采菊芽為蔬考之圖經味甘平療風熱于

頭目極順適也遂筆而賦之其辭曰

塞予投劾而來歸兮守先人之故廬日開闢而却掃兮
殆幽潛之不殊視外物其敝屣兮將游心於聖書何庖
厨之遠戒兮幾釜中之生魚嗟肉食其無相兮喜盤蔬
之有餘潔我晨羞出於不虞擁案未前露香滿裾童子
啞然而告予曰茲野菊之方苗適采擷于林墟考之圖
經食有益于頭顱也若夫春芽翠茁芳莖碧腴湯沃苦
盡鼎調氣濡甘湧舌本味欺園蔬拉晚菰以為友役春

欽定四庫全書

秋湖集

七

蒲而作奴貯空腹而不厭恐落英之不如彼寒花之可
愛寄高情于一壺縱傲睨乎秋霜踰佳晨而日踈此方
騰藉春陽中拆而敷收微生於全體供野人之所需吾
乃瀝芳馨而三嚙覺眼花之掃除其氣平夷其樂舒徐
豈一杯之野馥等悅人之泰芻雖草木之誑口亦因茲
而起予世有啖糠覈而瓠肥厭梁肉而黑癯豈非適於
口而心苦濡以膏而體劬吾知甘菲薄以自樂能充悅
其體膚既而隱几冥坐心明志虛佳境憺然恍與夢俱

以神為馬以尻為舁既發軔于菊潭或弭節于山隅訪
淵明於栗里尋天台之隱居然後鼓東南之歸柁追散
人於江湖覺而賦之猶足以續離騷而弔三閭也

未央瓦硯賦

贈終南李
鍊師和甫

斗直寅日維酉栩栩蝶化夢入靈園覺而扣門有來玄
叟授我天硯形圓色黝鬼擲瀉璧鏡蝕秦紐文章鬱律
蛟蟠虺走以長樂無極而言乃漢殿燼餘之瓦首也當
其炎運天開禹卑秦陋未央屹建長樂玉構體紫極之

欽定四庫全書

秋澗集
卷一

圓方壯神麗於九有俾子孫無復加于後也若夫萬疊
雲浮跨凌天宇鱗影參差鰲背掀舉瓊綴簷牙香團桂
樹倒景激日馭之光流潤浥金莖之露聳萬國之衣冠
蔭千秋之歌舞礪太華而帶河渭謂斯瓦之貞固天落
妖彗一掃而去吐爾微質歸復其土何千歲而不化偶
野人之與遇今歸乎我又係厥數摩挲漢月碧花燦吐
似喜余之主也試玄蛟兮海運瀉松風于牕戶滑不墨
褪溢不筆拒然復其天則御陽

周宣王
宮名

之耳孫較其古

乃銅雀之鼻祖彼鵲其眼而羅其紋味則鳳而形則
用或闕奚足取是不若茲瓦之闕而闕

屋蔭生聚帡幪霜雪蔽虧風雨是則用

得其所付大任于汝也豈其槩几呈材辭客與伍處雖
失宜其功尚溥鍛我銛鋒藉汝涵渥乞英靈於班馬繼
興亡于今古大書特書猶足以旌朱游而削張禹也道
士顧笑吾子其為我賦之

三峰晴雪賦

并序

欽定四庫全書

秋澗集
卷一

乙亥歲冬十一月余以守吏將事自蒲抵華倉皇待
命于塵坳間望三峰晴雪煥爛高潔曠不可尚已顧
而自憐豈勝慚穢適與左山商公遇于祠南柏行間
歸作是賦以寄其詞曰

華於衆嶽峻極莫之京兮三峰絕觀松雪益其清兮倒
景旁射銀闕爛崢嶸兮仙掌翻空灝爽下青冥兮豈玉
井蓮芳仙遊擁霓旌兮巨靈變現吮崑丘之瓊兮金天
移仗敞瑤華之宮兮冷飈吹而不滅海月照還空兮軒

豁呈露何物外之雄兮又如螭蟠之老子與希夷之鉅
公朗出天表飲太泉而遊封中兮安得杖仙人之九節
登神丘之崇兮問真源于白帝追二公之踪兮胡一行
而作吏搶塵土之容兮對清都而不克往世故驅以東
兮掉塵鞅而北驚刺梗滿吾胸兮望岳神而三歎歸夢
挂岩松兮縱靈移之固誚獨不愧于躬兮歸而賦之吾
言固誇猶足以為執熟者之清風也

熙春阮賦 并序

欽定四庫全書

秋淵集

十

玄暉上人得隆德故閣餘材斷而為阮因以熙春目
之亦文殊之義也至元戊寅春同寧尹端甫劉御史
叔謙趙太博彥伯坐心遠軒師為鼓綠水悲風二曲
清越悲壯坐客感歎興亡有愴然于懷者師請予賦
之其辭曰

天新雨風日妍心與閒會境趣靜便拉曠懷之逸士過
雪菴之老禪欹袂危坐添爐注箋於是出桂阮調素絃
控朏月而當抱撫筠柱之橫駢師曰茲熙春之斷餘偶

絲之而清圓者也遂鼓一再行清越悲壯如泉咽水底
風行樾間脩脩兮欲斷而復作淙淙兮似漱而還潏鏗
爾撻銅丸之韻淒兮聆高樹之蟬又如游士騁說劍歌
去燕何辭氣之從橫激太清而沈羽淵客乃呀然而驚
慘然而悲信乎物之感人有不期然而然者想老嶽之
般樂盪侈魄以無前厭華陽之湫隘敞樓居而致仙海
鼇首抃金鵬翼騫鬱昂連之香霧鎖月殿之嬋娟陰千
秋之歌舞壽艮岳而不騫俄龍移而昂去繼金亡而閣
遷殆露槃之聲折悵秋風而涕潛興廢一瞬兩朝百年
委繁華於野草鎖莽苑之荒煙吐此水之何辜遇幽人
之達觀納須彌于芥子寓餘哀于一彈猶足以舞魚龍
于海曲洗亡國之愁顏也嗚呼噫嘻向之使人凜而悲
者物詎能動于人哉人之哀樂妄為物之所牽不知太
虛寥寥既寂而玄唯此理之嘿識何繁華廢興之足歎
師曰子其為我賦之吾欲秋月當戶松風滿軒寫仲容
之別操合清商而洞宣使雲陰蔽空古鶴下蹀走商延

欽定四庫全書

秋淵集

十一

於濮上掩新聲於師涓也

弔廉將軍墓賦 并序

三代而下功利之說興人臣擅時功能鮮以禮讓為國者觀頗挾勲內忿怛居人下加諸彼不淺乎相如引車避嫌有犯無校蓋出天稟粹然處之為非艱至頗聞先急一言遽能握髮數罪受責門庭在將臣為寔難若將軍者可謂不遠而復得無祇悔之義哉遂摘文以弔辭曰

欽定四庫全書

秋淵集

三

涉滹沱而北驚兮遇常山之故城何高丘之突兀兮鬱紉氣之崢嶸野人指而告予曰此廉將軍之封陵也人與骨而塵朽兮義於榮乎日星遂陳辭而弔古兮命僕夫以停征嗚呼休哉昔伯禹之所以聖兮始不伐而不矜秦誓之所以經兮善悔過而胥盟觀戰國之多士兮依稀猶三代之英惟功利之時尚兮天理有時而蔽明能不遠而復初兮其惟趙之廉卿方國都之中立兮資內附而兵精頗分閭而秉鉞兮騰茂實而蜚英聲梁從

隨而楚讐兮燕弭伏而齊并時有以卜將軍之意氣兮

殆雷動而滿盈遽相臣之出右兮何發言之盈庭幾肉

餒而食甘兮奮兩虎之必爭及矚先急之一言兮輒弭

耳而服膺復頓顙而悔過兮折節負贖罪之荆在引車

而不必多兮將臣及此所以為古今之難能也逮漢起

而帝稱兮禮飲至而策勲何諸將之失度兮至擊柱而

紛紛安得將軍從容為一言兮解取繒屠狗之禁彼臣

濬之冒室兮加充渾之貪蒙詎吳平於帝前兮互貪天

欽定四庫全書

秋淵集

三

而為已功安得將軍滌易其褊薄兮俾無成而有終嗟鄂國之列公兮挾勲勞而凌帝宗縱私忿而無忌兮一墮夫臣子之恭安得將軍北面而同列兮以中和之氣銷悍戾于未然之胸也雖哀之而不能鑒兮文空言其奚庸繫慨慕其耿光兮日三省乎微躬蕩吾伯夷之隘兮擴乎穆公之容希前賢而同升兮負驥尾而竭忠雖斷斷而無他兮庶幾廉廩德讓君子之風衝山煙而暮去撫鳴劍兮增雄

登常山故城賦

我登常山心慨歎兮斷城連絡蛇陳蛇兮憶當全盛兩
漢間兮萬井歌吹魚龍淵兮椎埋劍擊習俗然兮光沈
響絕夫何言兮有懷古人秉心延兮交如餘耳始足賢
兮烈如顏表抗偽燕兮垂光竹帛星日懸兮壯哉子龍
屋而祀兮膽氣滿軀勇夫志兮賊瞞臣漢得所事兮天
理在人一符契兮千載仰止初無異兮諒彼有立忠與
義兮

欽定四庫全書

秋湖集

十四

鶴媒賦

并序

中統二年予在上都掌記中堂客有負青障挾長關
二鶴馴于後以廩繼來請問其役曰以鶴取鹿者也
嗚呼鶴善類也喙雖長不鈎銛以噬爪雖巨無所指
以攫而於塵伏容有攸害其如人之不仁何至元壬
午偶與禮部王兄子晃因話及此慨然有感曰今人
以智計相傾內險外易者何殊於鶴之取鹿也作鶴

媒賦其辭曰

萬物者元氣之盜氣之靈者莫人若也既役物而君之
其忍以盜作智而為得計乎如絳塵草間圖鵲絮地謁
紙求蜂葉城網雉盜物矜雄此何足異以智獵愚理固
宜然用愚戕愚斯則不仁之極也鶴本善類與物無忤
飛翔寥廓仙游之驥教之羽舞已達元性詐以標鹿遂
戕彼命是則鶴之善人則用而險之返有過於機穽也
鶴了不知鹿終弗悟歲供庖厨皆鶴之故何殊人心內
險外易以詐假仁顯比陰忌將取彼有則必姑與彼昏
不知日狎而伍一落其機投足無所誠何異以鶴而媒
取也吾然後知物之顯暴者既得預而防之愚而深中
者尤不可玩而侮也示我同志筆而賦之

欽定四庫全書

秋湖集

十五

元猿賦

并序效庾
開府體

至元十七年二月己卯清明日陪經畧助祭丞相忠
武公墓適嗣侯平章稽自靜江籠致是猿以獻西溪
王通議命余賦之以紀奇觀其辭曰

寶符之野溥沔齋淪人初樂歲華新峴山正有墮淚感

走馬遠出西州門映堂堦之碧草陪開府之嚴裡觀萬物之來享宛有勝于攸聞繁爾猿之黑質尚其性之能馴素面掌許玄裳若纁尻不識尾臂長于身一動一靜既恒且仁澗飲岩棲有爨有倫木方華而不折葉視熟而呼分思全生于物表時隱見於冬春三峽秋月九嶷暮雲雪嘯煙啼子從母奔動射者傷弓之慘驚山人應聘之輪哀楓林之逐客助永夜之霜巾其或隱挂虛壁幽尋窈冥避羣猿之喧躁悟善惡之難并去王孫而復

欽定四庫全書

秋澗集

十六

絕誠可愛而靡可憎也故或者謂袁周之士夫從昭王而南征痛膠船之不返化若類而成羣恐此事之懔懔伊誰問諸水濱淡夕陽于平野送歸鞍之逡巡偶吐辭而為賦念此物之貞純或體玄而尚寂要擇善而相親以升木而取喻庶有感於斯文

蟠木山賦

丁亥之冬夜氣清淑夢遊石林萬玉嶠崿明日與客步入李叟

叟字希賢

之塾燎爐却寒有蟠者木輪囷離奇大屬

吾目負之與歸而為秋澗坐中之物其為狀也左抱右擁或疊或窪蹄股交峙口鼻互呀於是抉洞穴振泥沙分嶺嶂翦杈枒坳者壑突者去朽剔蠹磨光出華丹丘赤城凌空散霞不知沆沆於地中者幾年一旦聽吾喙之橫誇若乃峰頂改色湧雲倒懸岩嶺層出峽門洞穿刻畫模母與施并妍其磊落盤錯自一成而有足觀也吐此怪供強名曰山然為幸也蓋有大于是焉不腐而為朽壤不化而為飛煙收槁梧于爨下遇中郎而獲

欽定四庫全書

秋澗集

十七

全蔭居華屋之底植立几席之前聳太華三峰之秀有象江六石之堅終日與伍似非偶然徙倚蒼精之蓋摩挲白鹿之巔何澹僻之苦樂掇衆人之所捐吾愛夫始賤而終貴先污而後蠲出神奇于腐朽蛻凡骨而得仙者也噫以靜而致壽者山之性隨帝而出震者木之權唯動靜之交見渾體用於一源吾固哀謝拙于變遷以靜為樂以安為便藏吾所別之器浩吾固有之天守介節而不易庶茲蟠之可錫安時處順出艮震兩者之間

不然造物者憐其不材辭翦伐而終天年其將與憚周
旋孰得惡而舍旃客曰汝言雖夸以山木而較之似不
膠于一偏子其為我賦之若足以折詭辯於莊叟發新
意于老泉也

秋澗集卷一

欽定四庫全書

秋澗集卷二

元 王惲 撰

五言古詩

四言間亦附見

拜奠魯文憲王廟二十八韻

丕承固云烈嗣王幼而冲嬉戲翦桐事安知多難衝公
乎居斯時岌岌遵渚鴻外謗流四國內疑叢一躬負宸
令百辟天心昭懿忠想當假寐際寅亮天地工陳誥開

欽定四庫全書

治源莫遠營洛宮南服靜海波東征殄元凶吐握下白
屋憲章矢淵衷罄單一德聖思兼三王功及夫就臣位
畏脊何翺翺制作方萬古世道仍汙隆至今豐鎬間凜
有三代風饗以宮懸樂報之不為豐宣父稱大哲寤寐
雲從龍垂老無復夢慨焉吾道窮丹青見遺像謫鶴日
在空臣子知所止仰之餘敬恭悠悠蒼姬下輔相業不
同論思機務地典調簿書叢豈其世務勞經權有違從
顧惟大臣體一節貴始終伊公狼狽間不失體與容凡

几兩赤烏儼立如岱宗我嘗集衆美一言蔽其中至公
絕貪私廓與天人通作詩庶補衮九章一華蟲精誠有
來格寒雲動龜蒙

拜奠宣聖林墓

庭訓墮渺茫師授悖嚴誠堯子不惑年行已得夷隘今
歲客東魯侶為神所介駕言逐秋風得展闕里拜遙遙
魯甸餘汶水走湍瀨憑軾望雲林鬱鬱佳氣鬱齊莊趨
兩楹奠獻成孤酌歸然三聖封仰止高泰岱恨生千年

欽定四庫全書

秋澗集
卷二

三

後今夕備掃洒披雲覩天日太極開一畫彼蒼詎能言
諄諄聖為代三綱與九法範圍無內外君臣以之定乾
坤以之泰東周不可為述作萬世賴藐眴徇鐸音元化
雷雨解敬想燕居容金聲鏘玉佩當時七十子授受儼
如待鳳兮鳴幾時諸子沸秋籟一朱亂紅紫百穀茂稊
稗愚者甘下達誕者樂語怪韞藏寶康瓠幹棄清廟醜
明倫得不泯而有六經在天高孰可階一氣包厚載茲
道固難言嘿契心有會胸中九雲夢吞納失蒂芥循循

善誘辭師也書之帶緬懷伯禽業郁郁文獻最三桓張
公室霸功熾而快一耆去無復荒陵餘石獅煌煌天乙
孫膺敏半冠帶德博慶自修道大世能邁金尼貫元精
泗波來遠派汪濊一聖海不隨梁木壞歸侍金絲堂攝
齊聞謦欬恍如到帝所鈞天廣樂備洗我兩耳聰肉味
忘一噉詠歸寫遺音風雅變廊邨一簞老東家吾知其
樂大遲遲不忍去寒日下蒼檜

陪總管陳公肇祀商少師比干廟

欽定四庫全書

秋澗集
卷二

三

元化形萬彙浩浩無時無云何忠貞氣大昇先生軀念
昔有殷季天步移獨夫淫酗蕩祀典下民為毒痛所崇
畫奸回啟遜箕子奴師保乃云爾餘敢編其鬚炎炎鹿
臺火已兆明珠襦先生豈不知蔓草不可圖顧親叔父
尊以位仍三孤強諫誠我任剖心不為瘡自靖暨殺身
要之宗社扶所以宣父筆三仁同一途繫公存亡間所
係重有殊堂堂柱天手能繫火德烏當時戡黎兵所侵
良及膚周雖彼蒼蒼加翼十亂謨令其諫少行終邨西

人居稱師止觀政安取商郊車一朝嘆云亡宗國隨之
墟丹誠皎白日餘烈光八區卒爾來代臣大節知所趨
嗚呼介士嘆萬萬狂童且今來二千載殷周兩榛蕪巍
然一丘土高與西山俱清霜九月節肇祀陪千旗肅拜
列階下精爽動佩裾世道有淪喪一忠千萬諛商歌振
林樾日下悲風徂

擬韓子秋懷十一首

出郭行時稼秋風正蕤蕤臨川閱逝波浩浩去不已富

欽定四庫全書

秋澗集
卷二

四

貴來幾時及此行樂耳祀酒對西山坐看秋雲起天矯
化龍蛇異狀紛莫似世態初不殊儻來安可恃我懷拔
俗標干霄仰逸軌酒酣歌鳴振衣私自喜

秋風拂庭柯物意自含悴松柏抱貞心表表歲寒地長
年豈致養易衰匪自恣浩浩一氣中所稟蓋殊異人尤
物之靈要以天爵貴

天運健不息君子戒靡曼讀書下梗塞飢餓充藿飯造
道苦不深紛華非所願秋風動黃鵠千里奚足歎風濤

北溟鯤變化搏九萬大邦易為仁郁郁文獻半出處貴
有時莫遣夜鶴怨

攬衣起秋早露氣清淒淒偶書秋懷篇悞筆成蒼蠅吾
言固不佞未免人屢憎聖域有坦途學步高山陵尋源
有靈槎臨池美鮪罾我生恐不偶鄙事從多能
虛室生夜白清露發鶴警空庭海月上愛此良夕永今
年苦煩歎似值苛政猛盼盼秋風來汲深持短綆庭菊
被焚燎脫禍乃差幸朝來有佳色一笑倚軒屏

欽定四庫全書

秋澗集
卷二

五

露叢低寒花促織泣暮景呼兒曝羣書趁此秋日炯
熒熒享千金利途競纖梗二者昧所思厥病失坐騁既悟
前日非敢事子淵請

長夜苦漫漫長空星斗暗商歌南山翁遺佚有餘憾祇
知享高明曾何恤鬼瞰而我獨於世滋味嚼蠟淡畏途
足風波汹汹洪水濫濯足尚云可浣纓豈宜暫此身矧
虛舟敢不慎簡纜天心幸私我書史日與勘庶還浩浩
天禾害家儲甌

殘暑不肯退秋陽麗庭軒靜觀消長理警此歲月奔成
功嘿嘿去天道何曾言斂衣坐一室書帙散我前開卷
飫至味忘却盤中餐最愛歸去辭雋嚼了一篇作者古
不少文字浩萬千感君固窮節當年亦辛酸遙持酒一
瓢同醉東籬邊九原不可作念之終歲年

青竹不耐暑索寞衆葉乾白露下天宇洗此青琅玕風
枝簌餘潤暗滿佳菊團依依南飛鵲遠枝擇所安感時
賦秋懷古井翻晴瀾我生分已定安用智走丸出門安

欽定四庫全書

秋淵集
卷二

六

所之呼兒解征鞍

閉門秋月上靜院圍蟲聲幽人掩窓卧一室翻虛明四
序修以周代謝何其誠物華有盛衰天地從虛盈君子
順所履持身嚴五兵牛羊旦旦伐山木何以榮所慎獨
處際心蕩韓盧令

離離壠上禾望望日攸好不勤耘功秀實苦不早西
風卷黃雲收穫走隣保荒田棄足惜握之速其搗致役
貴厥初無為宋人道

九日和淵明詩韻

九日天氣好淡遊無友生懷哉曠達士愛此佳節名野
迥秋山高遠目增雙明手把霜菊枝吟泛風葉聲人生
天地間強矯無百齡歲月不我與大川日東傾且酌一
尊酒遺彼五鼎榮滿挹風露香陶我醉後情遇坎且復
止吾罷期晚成

今歲節序晚天氣秋夏交衰草伴佳菊藉暖亦後凋居
閒愛節物不辭遠升高川澄涵鴈影空曠暖微霄舉觴

欽定四庫全書

秋淵集
卷二

七

時時人塵空迺爾勞中間百年集龜卜將日焦何如遺
世士空杯樂亦陶得酒且歡喜誰能保來朝

寒雀歎

閒庭有遺粒寒雀往還飛盼睽傍無人翔集下疎籬一
啄復四顧慮為物所闕幽人負暄坐玩之淡忘機一笑
拂衣起羣驚向空歸因之感吾生分外非所期富貴倘
僥倖何殊鳥驚疑吾儕以義榮先賢有良規

觀葵者有感走筆為賦